

# Romanza sut nulla grads

Franco Vitali pertgira 400 nursas grischunas en la «Linthebene»

DA CLAUDIA CADRUVI / ANR

■ **Tut fiss uschè romantic. Ma questa fradaglia bestiala! Igl è la damaun enturn las 10.00. Prest sa dauza il sulegl. Lura vegni bain pli chaud. Sco ch'il sulegl stritga ils dies da las nursas remartga il pastur: «Quai mument ch'il sulegl leva èsi il pli fraid.»** Perfin pli fraid che la notg. Gnanca ina giacca d'enviern porta il nurser. Nagut vi da sia vestgadira tradescha ch'i fa temperaturas sut nulla grads e ch'el viva ils quatter pli fraids mais da l'onn senza stgaurament. «Jau na schel mai», quai repeta el bleras giadas quella damaun. Ch'el ha mal il dies, menziunescha el be duas giadas, mo uschè a l'ur.

## Pascular la notg

Il nurser ha sia dunna e ses uffants en la Val Poschiavo. Las nursas èn da purs da Rodels e Realta. Uss èsi diesch onns che Vitali fa il pastur per quests purs. El cumenza mintgamai ils 15 da november. Enturn ils 15 da mars vegnan ils camions e turnan cun las nursas en il Grischun. La planira da la Linth s'extenda dal Lai Rivaun (Walensee) enfin al Lai da Turitg. Il pastur suonda sias nursas tras la planira, e lezzas ils verdins che cuhegian tras la naiv. Entaifer quatter mais va la muntanera da Schänis engiuvvers a Benken enfin Uznach, e lura turna ella puspè enavos. «Sch'i ha bler pavel vom jau pli plaun, schi ha pauc m'avanz jau pli spert.» E Vitali è persvadi: «Cun quest pastg vegnan las nursas pli grassas che la stad si d'alp.» Ils animals na stoppian betg endirar fom ordaviert. Per il solit haja quai be pauca u nagina naiv e las nursas chattian avunda da magliar. La notg passada haja la muntanera pasculà bunamain enfin mesanotg. Uss, la da-

maun, na maglian las nursas betg. Ellas han dustà la fom. Sch'ellas fissan fomentadas, massan ellas auter e na fissan betg da retegnair, di il nurser per cumprovar che ses animals stettian bain.

Darar capiti ch'ina nursa è malsauna. La fradaglia tegna davent las malsognas dals animals. Ed era dal pastur: «Jau n'hai mai in dafraid.» Pir cura ch'el è a chasa la primavaira en la Val Poschivo, «piglio sempre il rafredore».

## En il furgone

Dapi trais u quatter onns ha Vitali in pitschen camiun nua ch'el po durmir e cuschinar. Avant durmiva el la notg en il liber. Sch'el era damanaivel d'in gaud n'era quai gnanc uschè nausch, raquinta el. Lura pudevia el star en ina tenda e far in fiu. Ma enamez la planira na possian ins betg far fiu e cuschinar. Lez eri il pir. N'avair nagut da chaud en il magun l'entir di. El guarda viadora en la planira. Lunsch enturn nagin gaud. Uss ch'el haja il camiun possia el far mintgadi ina tschavera chauda: «Sch'jau survegn ina giada al di insatge chaud en il magun, lura na schel jau l'entir di betg.» Il «furgone», uschia numna el ses pitschen camiun, n'ha nagin stgaurament. Forsa ch'ils tschintg pitschens chagniels ch'il pastur ha claus en il furgone gidan la notg a rumper la schelira. La mamma dals chagniels è serrada en in auter claus dal camiun. Il pastur sto pertgira la chogna dals pitschens, uschiglio tschitschan els ora ella. Ed il bab dals chagniels, da lez è Vitali losch: Sin cumond fila el enturn la muntanera e volva ella en l'autra direcziun. Il chaun chatscha gugent anc in zichel dapli che quai ch'il pastur vul. Ma sche Franco lascha sentir ses schul git, smetta il chaun sin il fiat a giappar e turna tar Franco.



Quatter mais veglia Franco Vitali en la fradaglia da la Planira da la Linth.

FOTOS C. CADRUVI

Ils dus asens dal nurser stattan amez las nursas sco sch'els na savessan betg ch'els sajan in'otra sort d'animals. «Susi» cloma Vitali. E la femella s'avischina. «Sin ella sun jau chavaltgà. Uss na va quai betg, pervi dal dies.» Era l'asen giuven stauscha cun il nas il pastur per far stritgar tranter las ureglias lungas. Malgrà ch'el ha pir in mez onn è el bunamain uschè grond sco sia mamma.

## E suenter ad alp

Franco enconuscha blera glieud en la Planira da la Linth. I vegnan mintg'onn ina u pliras giadas a visitar el. Dar ina bateralada. I portan mintgatant insatge. Flot èsi sch'i vegnan cun ina buttiglia da termos. Ina veglietta haja ina giada dumandà tge ch'el fetschia ch'el na schelia mai. Il nurser ha respundì cun ses scharm talian: «Jau hai plaschair da vesair las bellas dunnas. Sch'jau ves la damaun ina bella dunna, lura na schel'jau l'entir di betg.» Fitg quiet èsi. Be las bransinas da trais u quatter nursas. Ils autos passan en il lontan ch'ins n'auda gnanca lur ramurs. Nagin'olma da carstgaun sa muventa en la planira. Mo il pastur cun ses chapè da fieuter.

E nua giais Vus la stad? «La primavaira tiri mai enavos en ils culms e la stad sin l'alp Palü.» Cun il fraid en las autez-



Ils dus asens audan a Franco Vitali. En il Puschlav ha el anc chavals, cauras ed atgnas nursas.



Las nursas na sa laschan betg disturbar da la tocca da glatsch che penderlescha vid la launa dal venter.